



## Zapisnik sa prve sjednice Upravnog odbora u 2022. godini

Sjednici su prisustvovali selektori Adnan Mekić, Trle Hajrudin te nacionalni komesar Mirnas Mujezinović. Opravdano su radi ranije preuzetih obaveza izostali Ivaj Jurilj, Goran Garača i Željko Lukić. Ostali članovi kao i sekretar Goran Guska su prisustvovali te je ustanovljen nadpolovičan kvorum. Za zapisnika izabran je član Upravnog odbora Amar Njemčević. Sjednica je počela sa radom 10.02.2022. godine u 19:00 sati, te završila nakon dva sata.

Nakon uvodne riječi predsjednika Upravnog odbora Tonija Zorića otvorena je sjednica sa već ranije utvrđenim dnevnim redom.

### Tačka 1. usvajanje zapisnika sa V sjednice Upravnog odbora

Usvajanje zapisnika sa posljednje sjednice Upravnog odbora održanog u Vlasenici prije zasjedanja Skupštine Biciklističkog saveza Bosne i Hercegovine.

- *Zapisnik usvojen jednoglasno*

### Tačka 2. izrada takmičarskih i ostalih licenci BiSaBiH

Druga tačka dnevnog reda je odabir najpovoljnije kopirnice koja će se angažovati za izradu licenci BiSaBiH.

- Toni Zorić je napomenuo da je već zaprimio jednu ponudu od kopirnice iz Mostara sa cijenom od 1.5 KM za izradu licenci, ali navodi da bi radi lakše distribucije licenci od strane generalnog sekretara bilo poželjno da se iste izrade u Banjoj Luci.
- Goran Guska se javio za riječ, te rekao da postoji još jedna zainteresovana kopirnica iz Banja Luke koja bi mogla izvršiti izradu licenci, te da će nakon dobijanja ponude istu poslati na razmatranje Upravnom odboru.

**Zaključak:** Zadužuje se generalni sekretar da nakon dobijanja ponude istu proslijedi Upravnom odboru koji će po kratkom postupku odabrati kopirnicu te dati nalog za printanje licenci.

- *Zaključak usvojen jednoglasno*

### Tačka 3. imenovanje Direktora reprezentacija

Na posljednjoj sjednici Skupštine BiSaBiH, Upravnom odboru je naloženo da u roku od 30 dana imenuje Direktore reprezentacija.

- Rasprava je otvorena od strane pred. **Tonija Zorića** koji je naglasio da mu se veliki broj klubova, članica Saveza kao i takmičari lično svakodnevno javljaju sa raznim





zahtjevima za pomoć. Obim posla koji obavlja je izuzetno velik, i skoro u svim slučajevima ne spada u opis njegovih obaveza predviđenih Statutom BiSaBiH.

- Za riječ se javio selektor **Adnan Mekić** koji je naglasio da mu je potrebna pomoć, te da se nada da će Upravni odbor imenovati Direktore reprezentacija.
- **Amar Njemčević** je naveo da je njegov stav poznat već od ranije, s obzirom na to da je na prvom sjednici Upravnog odbora zatražio da se imenuju Direktori reprezentacija, a što je u skladu sa Statutom BiSaBiH, međutim navodi da je njegov prijedlog odbijen.
- **Vladimir Kuvalja** je naveo koje bi obaveze Direktora reprezentacije trebale biti s obzirom da opis poslova i obaveza nije naveden u Statutu Saveza. Između ostalog komunikacija sa predsjednikom Saveza, sekretarom, selektorima i međunarodnim federacijama radi lakšeg organiziranja rada i nastupa reprezentativnih selekcija.
- **Emir Vučijak** se javio za riječ i rekao da je potrebno raspisati konkurs i jasno definisati obaveze Direktora reprezentacija koji će u obliku Pravilnika biti donesen ispred Upravnog odbora.
- **Toni Zorić**, je pohvalio prijedlog Emira Vučijaka ali naveo da je njemu pomoć potrebna odmah.
- **Goran Guska** je dao prijedlog da se imenuju Direktori reprezentacija, te da se uz pomoć Pravilnika o radu Direktora reprezentacija definišu njihove obaveze, a da prvom prilikom izmjene Statuta BiSaBiH pravilnik integrišemo u Statut. S obzirom na to da je planirano da se uskoro osnuje Federalni biciklistički savez FBiH.
- **Toni Zorić** je u skladu sa prijedlogom Gorana Guska dao svoj prijedlog za Direktore Reprezentacija, Amara Njemčevića za MTB reprezentaciju i Vladimira Kuvalju za cestovnu reprezentaciju.

**Zaključak:** Upravni odbor će pripremiti Pravilnik o radu direktora reprezentacija, dok će Vladimir Kuvalja i Amar Njemčević odmah početi sa radom na mjestu Direktora reprezentacija. Prilikom prve izmjene Statuta, opis poslova i obaveza Direktora reprezentacija će se unijeti u Statut BiSaBiH.

- **Kandidati Vladimir Kuvalja, Amar Njemčević na mjestu Direktora reprezentacija kao i zaključak usvojeni su jednoglasno.**

#### **Tačka 4. uspostavljanje komisije za odabir takmičara koji će biti predloženi od strane Saveza za nastup na EYOF-u i Mediteranskim igrama**

Toni Zorić je naveo da je selektor cestovne reprezentacije napravio spisak takmičara koje on predlaže kao kandidate koji bi se poslali Olimpijskom komitetu BiH.

- **Vladimir Kuvalja** je postavio nekoliko informativnih pitanja: na koji način će takmičari biti rangirani, do kada smo obavezni poslati prijedloge kandidata, kako će OKBiH vršiti odabir takmičara kao i do kada smo obavezni poslati našu konačnu rang listu takmičara.





- **Amar Njemčević** se javio za riječ te naveo da je spisak takmičara, odnosno prijedlog takmičara od strane Saveza potrebno poslati na adresu OKBiH do 19. 02.2020. godine. Takoder, da Savez ima priliku poslati prijedlog sa maksimalnim brojem od osam takmičara te da slanjem liste rangiranih takmičara automatski vršimo odabir naših takmičara po prioritetu.
- **Mirnas Mujezinović** je rekao da će pripremiti svoju listu prijedloga koja će biti rangirana isključivo po rezultatima u protekloj sezoni, kao i da daje prijedlog Dragane Matić jer smatra da je svojim zalaganjem i trudom to zaslужila.
- **Trle Hajrudin** se javio za riječ i rekao da ne želi da Mirnas Mujezinović bude u Komisiji za odabir takmičara.
- **Mirsad Jusić** je naveo da bi osoba koja će takmičare pratiti na takmičenju trebala imati glavnu riječ o tome ko će ići na takmičenje s obzirom na to da snosi i najveću odgovornost za sigurnost takmičara.
- **Amar Njemčević** je predložio da Komisija u sastavu nacionalnog komesara, direktora reprezentacije cestovnog biciklizma i selektor dostave spisak takmičara koji će biti prijedlog Saveza za nastup na spomenutim takmičenjima.
- **Prijedlog da Komisija za odabir takmičara za nastup na EYOF-u i Mediteranskim igrarama čine nacionalni komesar Mirnas Mujezinović, direktor reprezentacije Vladimir Kuvalja i selektor Trle Hajrudin je jednoglasno usvojen. Komisija je dužna dostaviti svoj spisak najkasnije do 18.02.2022. godine.**

#### Tačka 5. trening kamp reprezentacije u Mostaru

Trening kamp u Mostaru bi se trebao održati krajem marta mjeseca, na istom će biti održan kurs za trenere, dok će selektori raditi na usavršavanju potrebnih tehnika sa svojim takmičarima.

- **Toni Zorić** se javio za riječ i naveo da već ima ponude za smještaj sa cijenama, te je upitao selektore i nacionalnog komesara da dostave planove rada na trening kampu kako bi mogao finalizirati datume trening kampa.
- **Mirsad Jusić** je predložio da trening kampu prisustvuju svi članovi Upravnog odbora radi zbližavanja sa takmičarima i poboljšanja rada samog Upravnog odbora.

**Zaključak:** trening kamp reprezentacija se smatra kao izuzetno vrijedna aktivnost Saveza te je osim planiranog kursa za sudije predloženo od strane Mirsada Jusića da Upravni odbor održi sastanak tokom trening kampa. Svi članovi Upravnog odbora su saglasni sa prijedlog.

- **Zaključak o održavanju kampa i ciljeva istog je usvojen jednoglasno. Nalaže se selektorima i nacionalnom komesaru da podnesu plan rada koji će biti sastavni dio trening kampa reprezentacija u Mostaru krajem marta mjeseca.**





## Tačka 6. sponzori BiSaBiH

Toni Zorić je podijelio divnu vijest sa članovima Upravnog odbora, odnosno da je uspješno realizirao dalju saradnju sa HT ERONET kompanijom za 2022. godinu. Iznos sponzorstva i za ovu godinu će iznositi 10.000 KM.

- **Toni Zorić** je naveo da se **Vladimir Kuvalja** ponudio da reklamira HT ERONET na utrci koju organizuje, odnosno Beograd – Banja Luka.
- **Mirsad Jusić** se zahvalio **Toniju Zoriću** i **Vladimiru Kuvalji** te naveo da će M-BIKE shop i ove godine nastaviti uspješno sponzorisati Savez u iznosu od 2.000 do 4.000 KM.
- **Emir Vučijak** se također zahvalio **Toniju Zoriću, Vladimиру Kuvalji i Mirsadu Jusiću** na podršci Savezu te ponudio da reklamira sponzore Saveza na svojoj web stranici.
- **Toni Zorić** je naveo da je potrebna pomoć svih klubova Saveza da banerima na utrkama, šerovanjem na društvenim stranicama i na ostale načine pomognu u promovisanju sponzora Saveza.

**Zaključak:** iako izuzetno zadovoljni iznosom od 10.000 KM od HT ERONET-a, i 2.000 do 4.000 KM od M-BIKE shopa na ime sponzorstva, Upravni odbor apeluje na sve članice Saveza da se angažuju u reklamiranju istih jer na taj način najviše pomažu reprezentativcima Saveza.

- **Tačka 6. i zaključak da se uputi apel članicama Saveza da se angažuju u reklamiranju sponzora Saveza je jednoglasno usvojeno.**

## Tačka 7. raspravljanje o zahtjevu Udruženja PST Jahorina pristupanju BiSaBiH kao ravnopravan član i uvrštanju njihove utrke u kalendar Saveza

Toni Zorić je naveo da Udruženje PST Jahorina dostavilo zahtjev da se učlani u Savez, te da su izrazili želju da legalizuju svoju utrku na način da se uvrsti u kalendar BiSaBiH tako da bi i takmičari našeg Saveza mogli učestvovati na istoj.

- **Emir vučijak** se javio za riječ i rekao da je svaki novi klub dobrodošao, te da ukoliko zadovoljavaju uslove propisane našim Statutom za pristupanje Savezu nema prepreka da Udruženje PST Jahorina postane član.
- **Mirsad Jusić** je naveo da u skladu sa Statutom našeg Saveza udruženje koje podnese zahtjev mora biti registrovano za djelatnost za bavljenje biciklističkom sportom.





**Zaključak:** Udruženju PST Jahorina će biti dostavljen zahtjev da dostave svu potrebnu dokumentaciju za registraciju u Savezu. Nakon primitka dokumentacije generalni sekretar će izvršiti uvid u dokumentaciju i ustanoviti da li zadovoljavaju uslove za članstvo, kao i da li je jedna od njihovih registrovanih djelatnosti biciklističke aktivnosti.

- **Zaključak usvojen jednoglasno.**

#### Tačka 8. ostalo

##### Tačka 8a. Kalendar BiSaBiH – prijedlog Tonija Zorića

- **Amar Njemčević** je predočio prijedlog kalendar BiSaBiH koji se nalazi u prilogu ovog zapisnika, a u kojem ne dolazi do poklapanja utrka. S obzirom na to da Balkansko prvenstvo koje bi trebalo biti održano 17.07.2022. godine još uvijek nema zavničan datum održavanja Upravni odbor nije mogao donijeti odluku o delegiranju državnog XCO prvenstva.
- **Trle Hajrudin i Mirsada Jusić** su kazali da je potrebno poslati apel klubovima Saveza da se motiviraju u organizovanju cestovnih biciklističkih utrka.

**Zaključak:** konačan kalendar BiSaBiH će biti konačno objavljen kada se ustanovi datum održavanja Balkanskog XCO prvenstva. Radi malog broja utrka u cestovnom bicikлизму bit će upućen apel klubovima da se motivišu za organizaciju utrka.

- **Zaključak usvojen jednoglasno.**

##### Tačka 8b. odrediti realne ciljeve od značaja BiSaBiH – prijedlog Mirsad Jusić

- **Mirsad Jusić** je naveo da bi za unapređenje rada Saveza bilo potrebno odrediti realne ciljeve od značaja za BiSaBiH. Samo uz pomoću ciljeva bit će moguće ciljano angažovanje Upravnog odbora i ostalih članova Saveza koje će nam u konačnici donijeti prosperitet biciklističkog sporta.
- **Emir Vučijak** se složio sa prijedlogom Mirsada Jusića, te naveo da svi biciklistički savezi imaju tačno definisane ciljeve te da se i mi moramo voditi tim putem za boljši biciklizam.

**Zaključak:** nakon rasprave jednoglasno je donesena odluka da se na sljedećoj sjednici Upravnog odbora odredi tačka dnevnog reda na kojoj će članovi Upravnog odbora definisati ciljeve Saveza.

- **Zaključak usvojen jednoglasno.**





### Tačka 8c. medijski istup člana Upravnog odbora – *prijedlog Emir Vučijak*

- **Emir Vučijak** je izrazio želju da pod tačkom ostalo delegira pitanje medijskog istupa člana Upravnog odbora Vladimira Kuvalje, a koji je direktno vezan za njega lično (op.a. Emira Vučijaka).

Međutim, s obzirom da je Vladimir Kuvalja ranije napustio sjednicu Upravnog odbora želi ovo pitanje delegirati za narednu sjednicu UO.

Dalje navodi da je nakon Skupštine BiSaBiH, Vladimir Kuvalja dao izjavu za elektronski mediji u kojem navodi da su se bošnjački članovi Upravnog odbora protivili da bude imenovan za Direktora reprezentacija, dok srpski i hrvatski članovi nisu imali ništa protiv toga. Smatra da je to politiziranje, te da mišljenje nije rekao ni kao bošnjak niti kao član Upravnog odbora nego kao biciklista i član Skupštine, odnosno delegat ispred MTBA, jer svakako da je u tijeku bila Skupština Saveza. Zatim da Vladimir Kuvalja uopšte i ne zna kako se on izjašnjava da bi davao takve izjave koje su kontraproduktivne za rad Saveza. Za kraj je naveo da više neće dozvoljavati takvo ponašanje prema njemu niti bilo koja druga istupanja koja potenciraju nacionalnu netrpeljivost te da će ubuduće tražiti da se Upravni odbor i Savez ogradi od takvog postupanja.

- **Toni Zorić** je naveo da je komunicirao sa Vladimirom Kuvaljom nakon medijskog istupa te da je savjetovao da se problem riješi dijalogom. Smatra da su svi u Savezi prije svega biciklisti i da ne smijemo dozvoliti da se politika miješa u sport.
- **Ivan Širić** je kazao da smatra kako bi naredni sastanak Upravnog odbora trebalo zakazati uživo, a na kojem bi jedna od tački dnevnog reda bila i ova o kojoj se diskutuje.
- **Na ovoj tački nije bilo glasanja, te je usvojen prijedlog da se ovaj problem delegira kao tačka dnevnog reda na narednoj sjednici Upravnog odbora.**

Sarajevo, 14.02.2022. godine

Zapisnik sačinio Amar Njemčević

